



## Universitätsbibliothek Paderborn

### **Domus Æternitatis**

Reserata, Et Ad Ingrediendum Quotidie Memorïæ cogitationibus,  
Intellectûs considerationibus, ac voluntatis affectibus Aperta ; Serviet  
quoque pro Concionibus; uti & pro Exhortationibus, in Agoniae Domini  
Sodalitatibus

continens Impedimenta Et Adjumenta Æternæ beatitudinis

**Dirckinck, Johann**

**Coloniae Agrippinae, 1713**

3. Impedimentum III. Pabulum ignis inextinguibilis.

[urn:nbn:de:hbz:466:1-50716](https://nbn-resolving.org/urn:nbn:de:hbz:466:1-50716)



## CONSIDERATIO, III.

Impedimentum III. Salutis,

Pabulum ignis inextinguibilis.

*Stuppa collecta, synagoga peccantium: & consummatio illorum flamma ignis.*

Eccli. c. 21. 10.

7. Octobris.

I. **C**onsidera dicta Ecclesiastici verba: *Stuppa collecta, synagoga peccantium*. q. d. Putant potentes, & superbi, se esse insuperabiles, invictos, & quasi omnipotentes: at revera, omnis eorum synagoga, seu cœtus ac multitudo, fragilis est instar stuppæ collectæ: quemadmodum enim stuppa illico, ab igne vicino corripitur, conflagratque; & quo major est stuppæ copia, eò faciliùs, magisque inflammatur; ita pariter ignis vindictæ divinæ, facillimè corripiet & consumet omnes peccatores, eòque faciliùs, quò major eorum fuerit synagoga ac multitudo. hæc enim non est aliud, quàm *stuppa collecta*, seu fomentum ac pabulum ignis, iræ & indignationis di-

B 6

vinæ.



34 *Domus aeternitatis. Consideratio*  
*vinæ. Et consummatio illorum, flamma*  
*ignis. I. c. id est consumptio illorum, erit*  
*flamma ignis, seu ignis velut pabulum*  
*suum, contumet eos.*

II. Ignis autem ille, cujus peccatores  
& peccata pabulum sunt, est quintuplex.  
Primus est *ignis iræ & indignationis Dei*.  
Secundus *vindictæ*, quo Deus impios  
igne, id est peste, fame, gladio punit, ac  
perdit in hac vita: ignis enim omnem  
acrem vindictam, ejusque instrumentum  
significat. Tertius est *ignis conflagra-*  
*tionis mundi*, quo Deus impios, cum eo-  
rum domibus, opibusque comburet.  
Quartus ignis est *acerrimi judicii divini*,  
quo Christus scrutabitur, damnabit, ac  
perceller improbos, in novissimo die,  
de quo Daniel. c. 7. 10. *Fluvius igneus*  
*rapidusque egrediebatur de ore ejus*.  
Quintus est *ignis gehennæ*; hic enim est  
finis impiorum, perpetuum incendium  
perennis flamma ignis, quæ ex eorum  
corporibus, velut titionibus ardentibus  
ascendet in sæcula sæculorum. O flamma  
terribilis! O ignis inextinguibilis!

III. Verùm hîc multos tenet admira-

ratio



ratio; cur Deus, cujus misericordiæ non est numerus, & bonitatis ac clementiæ infinitus est thesaurus, peccatores, etiam ob unicam lethalem noxam, licet brevi tempore durantem, æterno plectat igne. Sed mirari desinent, si & Dei offensi Majestatem, & hominis offendentis vilitatem, & ipsiusmet peccati gravitatem ineffabilem perpenderit. Consideremus primò offensam divinæ Majestatis. Quò persona offensa & læsa major, digniorque est; eò quoque gravior est offensa, offensæque malitia, ac debita malitiæ pœna. Gravis quippe offensa est, si lædas virum nobilem, gravior si Comitem, gravior si Principem, gravissima si Regem aut Imperatorem. Quanta igitur offensa erit divinæ Majestatis, supremæ, immensæ, infinitæ? Utrique quodammodo infinita: quia *Peccatum ex parte offensionis, est infinitum*, ut docet Doctor Angelicus. 1. 2. q. 87. a. 1. An non igitur pœnam quoque meretur infinitam? S. Bernardinus serm. 12. ait: *Damnati debent æternum cruciari, ratione malitiæ, scilicet culpa, qua respectu Dei, qui offensus est, infinita dici potest.*



*Adhortatio.*

**O** Anima peccatrix! *Quasi à facie*  
*lubri, fuge peccatum.* Eccle. c. 2.  
 Ne rea evadas quintuplicis ignis, iræ  
 vindictæ Dei, judicii & Conflagrationis  
 atque gehennæ; sed vel maximè, ne re-  
 sis læsæ Majestatis divinæ. O qualis hæc  
 est offensa! offendantur mille Principes  
 mille Reges, Cæsares ac mundi totius  
 Monarchæ; quid sunt hi omnes in com-  
 paratione Dei? Pulvisculi, atomi: Er-  
 men coram illis timent proceres, pave-  
 nobiles, tremunt satellites, eorumque  
 offensam summè reformidant: & tu no-  
 vereberis, non pavebis, non trepidabis  
 ad offensam, infinitæ Majestatis? *Quis*  
*timebit te Rex gentium?* Jerem. c. 10. 7.

3. *Octobris.*

I. **C**onsiderato Numine offenso, ex-  
 minemus personam offendentem  
 nam quò hæc est vilior ac minor; eò  
 fensa, culpæque malitia major est & gra-  
 vior. Deum offendens, est homo. *Quis*  
 autem est homo? 1. Quoad corpus, e-



origine limus terræ, sine pulvis, medio  
 fœnum & flos agri, citò marcescens ac  
 decidens. Quid est homo? Vapor ad  
 modicum parens; velut umbra fugiens;  
 velut nosocomium morbis innumeris  
 scatens; velut infans innumeris pericu-  
 lis ac miseriis repletus; ex quibus, sine  
 Dei ope, eluctari, ipsi est impossibile.  
 Quid est homo? *Nihil aliud quàm sperma  
 fœtidum, saccus stercorum, cibus ver-  
 mium, post hominem vermis, post vermema  
 factor & horror; sic in non hominem, ver-  
 titur omnis homo. S. Bern. med. 3.* Et ta-  
 men homo, tam vilis, tam fragilis, tam  
 miser, audet offendere Deum infinitæ  
 Majestatis. Potestne major excogitari  
 audacia? Et quânam pœnâ hæc est  
 plectenda?

II. Ulteriùs, dispice, quid est homo,  
 quoad animam? Anima ex origine sua  
 est nihilum; & Deo manum subtrahente,  
 reversura in nihilum: *Substantia mea  
 tanquam nihilum ante te. Psal. 38. 6.* Ani-  
 ma peccato originali infecta: absque  
 ope Dei, ad omnia est impotens, ad om-  
 ne malum propendens, passionum tu-  
 multi-



38. *Domus aternitatis. Consideratio*  
multibus agitata, ignorantia tenebr  
involuta, tentationum, hostiumque vi  
bilitum & invisibilitum astutibus expo  
ta: & cum tam sit misera, Deo pro  
tionem subtrahente, millies magis m  
fera, peiorque esse potest: *Quoniam nu*  
*lum peccatum est, quod unquam fecerit ho*  
*mo, quod non possit facere alter homo.*  
*Creator desit, à quo factus est homo.*  
Aug. solil. c. 15. Ac proinde merito ca  
mortuo, at foetenti, cadaverique veru  
bus secatenti assimilatur. Et tamen hor  
hic, tantis miseriis subjectus, tantis D  
beneficiis obrutus; tam auxilii divini vi  
omnibus indigus; si superbiat, si ob  
dientiam detrectet, si Conditori rebelle  
quanam hæc est protervia? & quâ per  
castiganda?

III. Perpende etiam; quid sit homo  
innumeris aliis rebus creatis comparat  
Quid est unus homo comparatus  
myriadibus hominum toto terrarum  
be dispersonum? Quid est comparatus  
millionibus Angelorum & Archangel  
rum, omnes alias res creatas nume  
superantium? Quid est comparatus cu



ipso Deo? Omnes gentes quasi non sint, sic sunt coram eo; & quasi nihilum & inane reputata sunt ei. Isaia c. 40. Et tanquam momentum statera, sic est orbis terrarum; & tanquam gutta roris antelucani, quae descendit in terram. Sap. c. 11. 23. Inter ex his, ô homo! Si totus terrarum orbis, Dei intuitu, est quasi gutta roris, & quasi nihilum; quid es tu? quotula gutta & nihili pars? Quae igitur mens capere potest, tibi homini tam exili, tantum inesse audaciae; ut Deum tuum offendere, illumque novis indies sceleribus ad iram, vindictamque provocare audeas? Et quænam inauditæ huic audaciæ debetur pœna? Nonne infinita, cum nulla finita par sit?

## Apostrophe.

**O** Homo miser, quoad corpus & animam! *Quid superbis terra & cinis?* Eccl. c. 10. 9. *O peccator! Cujus conceptio culpa, nasci pœna, labor vita, necesse mori.* S. Bern. med. 3. Cujus tam exilis respectu universi, est portio; ut atomus vix esse videatur; quid contra Altissimum  
stul-



40 *Domus aternitatis. Consideratio*  
stultè te erigis? *O testa de samis terra*  
*O vas fragile, quid faëtori tuo contradicis*  
Isaiæ c. 45. 9. *O caro putida, Regem*  
terrenum offendere times, qui potest  
corpus occidere; & post hæc non habet  
amplius, quid faciat? Deum verò, in  
mortalem, æternum, infinitum Regem  
sæculorum irritare non metuis, qui potest  
*corpus & animam perdere in gehennam*  
Judica tu ipse, an tanta, tamque incredi-  
bilis malitia ac protervia, temporali po-  
nâ sufficienter castigetur? Judica, an non  
perpetuis puniri incendiis mereatur?

9. *Octobris.*

**I.** **P**Erpendenda denique est, gravitas  
& pondus malitiæ, quod peccatum  
ab homine tam vili contra Majestatem  
Dei infinitam commisso, inest: ut patet  
clarius, quam pœnam promereatur.  
Peccatum lethale, est *contemptus divini*  
*Majestatis*: cujus mandatum vilipe-  
ditur; cujus prohibitio spernitur; cujus  
gratia & amicitia repudiatur, cujus  
inspiratio & invitatio abjicitur, & è con-  
trario, Diaboli hostis infensissimi, sugg-



stio, allectio, jussio, amicitia, ultro admittitur & acceptatur. 2. Est *contemptus omnipotentia Dei* infinitæ, omnibus creatis, dantis naturam & vires ad agendum; ad omnes actiones concurrentis, sine quo nec oculum, nec digitum movere valent: quanta ergo temeritas est, ipsius concursum & instrumenta, sive arma contra ipsummet convertere, utque ipsum oppugnare?

II. Peccatum lethale 3. Est *contemptus Bonitatis Dei* infinitæ, ab omnibus creatis amari dignissimæ, imò si fieri posset, amore infinito prosequendæ: & huic vilis, brevis ac foeda voluptas, lucrum tenue, & honoris umbra, à peccatore stultè præponitur: quanta malitia?

4. Est *contemptus sapientia Dei*, infinitæ, quæ despicitur, dum in ejus oculis & conspectu, nefas, absque omni verecundia & pudore patrat. Quænam potest major esse impudentia, quam Dominum suum præsentem, audientem & videntem, contemnere atque offendere? Et quanto supplicio ejusmodi impudentia afficietur?

III. At



III. At hîc nondum malitiæ finis: nam peccatum lethale est quoque *Contemptus Creatoris*, à quo animam, corpus, potentias, sensus & omnia membra adeptus est, quibus contra ipsum datorem insurgit. Est *contemptus Conservatoris*; sine cuius conservatione, nec momento possit durare. Est *contemptus Gubernatoris* sine cuius providentia, omnibus necessariis destitutus periret. Est *contemptus Dei Patris*, cuius imaginem in se decipiat atque eradit. Est *Contemptus Christi Domini Redemptoris nostri*, cuius sanguinem pretiosum, passionem ac mortem despicit & pedibus conculcat. Est *contemptus Spiritûs Sancti*, cui fidei baptismum datam, frangit, ejusque gratiam ac dona abjicit. Heu quæ peccata finita, tantam malitiam dignè valet castigare? *Erubescant impii & deducantur in infernum. Psal. 30.*

*Affectus zeli.*

**O** Cæca gens mortalium! Hæc reddis Domino, popule stulte & impiens? Nunquid ipse est Pater tuus, &



possedit te, & fecit & creavit te? Deum  
 qui te genuit dereliquisti & oblitus es Do-  
 mini Creatoris tui: Deut. c. 32. O Juste  
 Judex criminum, an non tantum tui  
 contemptum, nequitiam & perfidiam  
 meritò suppliciiis sempiternis vindicas?  
 Ita sanè: nam usq; quo peccatores Domine,  
 gloriabuntur? Psal. 63. Et insultabunt  
 tibi? Deus meus, pone illos ut rotam, & si-  
 cut stipulam ante faciem venti. Psal. 82.  
 Deleantur de Libro viventium, & cum ju-  
 stis non scribantur. Psal. 68.

CONSIDERATIO IV.

Impedimentum IV. Salutis,

Ligna incendii infernalis.

*Nutrimenta ejus [ Topheth ] ignis & lig-  
 na multa: flatus Domini sicut torrens  
 sulphuris, succendens eam.*

Isaiæ c. 30.

10. Octobris.

**U**T nutrimenta Thopheth, seu ge-  
 hennæ, ignem & ligna subtraha-  
 mus; hoc est, ut Damnatorum incendio  
 æterno, à flatu divino succenso, mate-  
 riam,